



An Bhruiséil, 19 Bealtaine 2017
(OR. en)

9266/17

DEVGEN 98
ACP 46
RELEX 413
FIN 306
OCDE 2

TORADH NA nIMEACHTAÍ

ó:	Ardrúnaíocht na Comhairle
An:	19 Bealtaine 2017
chuig:	na toscaireachtaí
Uimh. an doic. roimhe seo:	8969/17
Ábhar:	Tuarascáil Bhliantúil 2017 don Chomhairle Eorpach maidir le Spriocanna an Aontais Eorpaigh i réimse na Cabhrach um Fhorbairt - Conclúidí ón gComhairle (19 Bealtaine 2017)

Gheobhaidh na toscaireachtaí i gceangal leis seo na conclúidí ón gComhairle maidir le Tuarascáil Bhliantúil 2017 chuig an gComhairle Eorpach maidir le spriocanna an Aontais Eorpaigh i réimse na cabhrach um fhorbairt, mar a ghlac an Chomhairle iad ag an 3540ú cruinniú a tionóladh ar an 19 Bealtaine, 2017.

Conclúidí ón gComhairle

**Tuarascáil Bhliantúil 2017 don Chomhairle Eorpach maidir le Spriocanna
an Aontais Eorpaigh i réimse na Cabhrach um Fhorbairt**

1. Is díol sásaimh don Chomhairle gur fhoilsigh an Coimisiún an réamh-fhaisnéis maidir le cúnamh oifigiúil um fhorbairt (ODA) 2016 an Aontais Eorpaigh¹ lena ndearnadh anailís ar na treochtaí i ndáil le gealltanais chomhpháirteacha agus aonair an Aontais i dtaca le cúnamh oifigiúil um fhorbairt². Cuireann an Chomhairle i bhfios an athuair gur gné thábhachtach, chatalaíoch é cúnamh oifigiúil um fhorbairt sa mhaoiniú foriomlán atá ar fáil do thíortha i mbéal forbartha. Cé gur beag é an cúnamh oifigiúil um fhorbairt, ó thaobh cainníochta de, do na tíortha atá i mbéal forbartha ina n-iomláine, is foinse mhór airgeadais é le haghaidh na dtíortha is lú forbairt agus le haghaidh na stát leochaileach, nach bhfuil an acmhainn intíre acu teacht ar mhaoiniú ó fhoinsí eile.
2. D'iarr an Chomhairle Eorpach ar an gComhairle ar an 17 Meitheamh 2010 tuarascáil bhliantúil a chur i dtoll a chéile maidir le gealltanais agus comhlíonadh an Aontais agus na mBallstát i leith cúnamh oifigiúil um fhorbairt. Seo an seachtú tuarascáil dá chineál a chuirfear faoi bhráid na Comhairle Eorpaí.

¹ http://europa.eu/rapid/press-release_IP-17-916_en.htm agus http://europa.eu/rapid/press-release_MEMO-17-949_en.htm

² Conclúidí ón Uachtaránacht, Comhairle Eorpach an 16 agus an 17 Meitheamh 2005 (10255/1/05), Conclúidí ón gComhairle an 10 agus an 11 Samhain 2008 (15480/08) agus Conclúidí ón gComhairle an 26 Bealtaine 2015 (9241/15). Féach an Iarscríbhinn le haghaidh na ngealltanais.

3. Agus an méid thuas á thabhairt ar aird, is mian leis an gComhairle na gnéithe a leanas a thuairisciú don Chomhairle Eorpach:
- a. In 2016, agus don cheathrú bliain as a chéile, tháinig méadú ar chúnamh oifigiúil um fhorbairt comhpháirteach an Aontais, go EUR 75.5 billiún, an leibhéal is airde go dtí seo agus suas ó EUR 67.9 billiún in 2015: méadú 10.7% i dtéarmaí ainmniúla. B'ionann cúnamh oifigiúil forbartha comhpháirteach an Aontais agus 0.51% d'ollioncam náisiúnta an Aontais (OIN)³ in 2016, ardú suntasach le hais 0.47% in 2015.
 - b. Neartaigh an tAontas agus na Ballstáit a seasamh mar an deontóir cúnaimh oifigiúil um fhorbairt is mó ar domhan (féach Fíor 1), ar fiú beagnach 60% den chúnamh oifigiúil um fhorbairt iomlán an méid a thugann siad as measc comhaltaí Choiste Cúnaimh Forbartha (DAC) na hEagraíochta um Chomhar agus Forbairt Eacnamaíochta (OCED) do thíortha i mbéal forbartha. Murab ionann agus an fás suntasach i gcoibhéis ODA/OIN an Aontais, d'fhan meán tíre ar comhaltaí Choiste Cúnaimh Forbartha OCED iad nach bhfuil san Aontas Eorpach ag 0.21% in 2016 (bhí sé ag 0.21% de OIN in 2015).
 - c. Léirítear an treocht dhearfach agus feidhmíocht níos láidre thromlach Bhallstáit an Aontais leis na torthaí thuas. Mhéadaigh nó d'ardaigh 22 Bhallstáit a leibhéal fhoriomlána maidir le cúnamh oifigiúil um fhorbairt chomh maith lena gcóimheasanna cúnaimh oifigiúil um fhorbairt os cionn OIN. Sháraigh cúig Bhallstát de chuid an Aontais an tairseach 0.7% ODA/OIN (Féach Figiúr 2 agus Tábla 1). Go suntasach, bhain an Ghearmáin an sprioc 0.7% amach den chéad uair.

³ Is ionann cúnamh oifigiúil um fhorbairt comhpháirteach an Aontais agus cúnamh oifigiúil um fhorbairt ó Bhallstáit an Aontais agus an chuid den chúnamh oifigiúil um fhorbairt a chuireann institiúidí an Aontais ar fáil nach bhfuil inleagtha ar Bhallstáit. Inleagtar an chuid is mó de chaiteachas institiúidí an Aontais ar chúnamh oifigiúil um fhorbairt ar Bhallstáit an Aontais Eorpaigh, chun críocha tuairisciú a dhéanamh ar ODA/OIN, i.e áirítear cuid de chaiteachas na n-institiúidí ar shonraí na mBallstát. Ní inleagtar cúnamh oifigiúil um fhorbairt a chuirtear ar fáil trí acmhainní an Bhainc Eorpaigh Infheistíochta (EIB) féin ar Bhallstáit agus tá sé sa bhreis ar cúnamh oifigiúil um fhorbairt na mBallstát.

d. I ngeall ar ghéarchéim na ndídeanaithe atá fós ar siúl, léirigh sa sonraí ó OECD arís i mbliana leibhéal ard na gcostas a íocann an deontóir chun tacú le dídeanaithe ina thír féin⁴, a thuairiscíonn roinnt comhaltaí DAC mar chúnamh oifigiúil um fhorbairt. Léirítear leis na sonraí ó OECD gur tháinig méadú i measc thíortha an Aontais Eorpaigh ar na costais a íocann an deontóir chun tacú le dídeanaithe ina thír féin ó EUR 8.8 billiún (nó 12.9% de chúnamh oifigiúil um fhorbairt comhpháirteach an Aontais in 2015) go dtí EUR10.7 billiún (nó 14.2% de chúnamh oifigiúil um fhorbairt comhpháirteach an Aontais in 2016), fás i bhfad níos lú ná mar a bhí ann anuraidh. Bhí 25% den fhás foriomlán ar chúnamh oifigiúil um fhorbairt inleagtha ar na costais a íocann an deontóir chun tacú le dídeanaithe ina thír féin. Tháinig méadú 10% ar chúnamh oifigiúil um fhorbairt foriomlán an Aontais, glan ar na costais a íocann an deontóir chun tacú le dídeanaithe ina thír féin. Fágann sin gur tháinig méadú foriomlán ón Aontas in 2016 ar an tacaíocht a chuireann sé ar fáil do dhídeanaithe san Eoraip, tacaíocht a bhfuil géarghá léi, agus ar an gcabhair forbartha eile a chuireann sé ar fáil do thíortha i mbéal forbartha.

4. Tugann an Chomhairle dá haire gur chomhdhlúthaigh an tAontas a sheasamh mar an soláthraí is mó ar domhan de chúnamh oifigiúil um fhorbairt agus go bhfuil sé ag dréim níos gaire don sprioc uailmhianach a leag sé amach dó féin in 2005, is é sin 0.7% de OIN a chur ar fáil mar chúnamh oifigiúil um fhorbairt.
5. Meabhraíonn an Chomhairle na gealltanais nua a thug sé maidir le cúnamh oifigiúil um fhorbairt mar a leagtar amach sna conclúidí ón gComhairle an 26 Bealtaine 2015⁵. Athdhearbhaíonn an Chomhairle a ceannaireacht pholaitiúil agus a thiomanta agus atá sí do chabhair forbartha an Aontais agus tugann sí dá haire go bhfuil comhar don fhorbairt mar thosaíocht lárnach i gcónaí. Sa chomhthéacs sin, athdhearbhaíonn an tAontas agus na Ballstáit a thiomanta agus atá siad a ngealltanais aonair agus comhpháirteacha maidir le cúnamh oifigiúil um fhorbairt a athdhearbhú agus déanfaidh siad gníomhaíochtaí réalaíocha infhíoraithe leis na gealltanais sin a chomhlíonadh. Athdhearbhaítear na gealltanais sin sa Chomhdhearcaidh nua Eorpach maidir le Forbairt, a thugann treoir do ghníomhaíochtaí institiúidí an Aontais agus na Ballstáit i dtaca lena gcomhar leis na tíortha ar fad atá i mbéal forbartha.

⁴ Is i gcomhréir le rialacha OECD-DAC amháin a fhéadfar na costais sin a thuairisciú mar chúnamh oifigiúil um fhorbairt, agus tá an tuairisciú sin teoranta do chostais a tabhaíodh le linn na chéad 12 mhí de thréimhse fanachta dídeanaí.

⁵ <http://register.consilium.europa.eu/doc/srv?l=EN&f=ST%209989%202014%20INIT>

6. Tugann an Chomhairle dá haire agus is cúis inní di nár bhain an tAontas a sprioc chomhchoiteann amach fós 0.15% - 0.20% de OIN do na tíortha is lú forbairt sa ghearrthearma, agus nár baineadh amach ach 0.11% de OIN in 2015 (an bhliain is déanaí a bhfuil sonraí iomlána ar fáil di, féach Tábla 2), agus sin in ainneoin fás sa chúnamh oifigiúil um fhorbairt glan.
7. Leagann an Chomhairle béim ar chineál bunathraitheach Chlár Oibre Gníomhaíochta Addis Ababa, ar gné dhílis é de Chlár Oibre 2030 agus ina leagtar amach an ghluaiseacht chuig an gcóras nua maoinithe inbhuanaithe, agus i gcroílár an méid seo ar fad, tá an dea-rialachas, freagrachtaí do chách, tús áite don ghníomhaíocht intíre, lena n-áirítear i gcúrsaí cánach agus trédhearcachta, a thábhachtaí atá sé beartais fhónta chumasúcháin a bheith ann, go mbeadh gach taobh tiomanta don chomhleanúnachas beartais, "nach bhfágfaí éinne chun deiridh" agus go mbeadh ceisteanna inscne mar thosaíocht thrasghearrthach. Dá bhrí sin, athdhearbhaíonn an Chomhairle a thábhachtaí atá sé go mbeadh cur chuige cuimsitheach, comhtháite ann, cur chuige ó thaobh leas a bhaint as maoiniú agus bealaí eile cur chun feidhme ó na foinsí uile atá ar fáil (poiblí/príobháideach, intíre/idirnáisiúnta) agus beidh an-tábhacht ar roinnt leis na gníomhaithe ar fad, go háirithe trí bhithin comhpháirtíochtaí ilgheallsealbhóirí, má táthar chun tacú le forbairt inbhuanaithe na dtíortha atá i mbéal forbartha, lena n-áirítear trí mheán foinsí agus ionstraimí nuálacha maoinithe, trí eolas, saineolas, forbairt acmhainní, teicneolaíocht agus acmhainní neamhairgeadais. I ndáil leis an méid sin, is díol sásaimh don Chomhairle an obair atá á déanamh ag Seirbhísí an Choimisiúin agus SEGS sna réimsí a léirítear sna doiciméid "*Spriocanna Forbartha Inbhuanaithe 2030 a bhaint amach: Na modhanna cur chun feidhme a chur i dtoll a chéile*; aird ar an méid a bhain an tAontas amach go luath i dtrí phríomhréimse"⁶: acmhainní intíre a úsáid i dtíortha atá i mbéal forbartha, acmhainní a ghíaráil ón earnáil phríobháideach agus clársceidealú comhpháirteach do Chlár Oibre Gníomhaíochta Addis Ababa.

⁶ Féach an Iarscríbhinn a ghabhann le preaseisiúint IP-17-916: "*Spriocanna Forbartha Inbhuanaithe 2030 a bhaint amach: Na modhanna cur chun feidhme a chur i dtoll a chéile*; aird ar an méid a bhain an tAontas amach go luath i dtrí phríomhréimse"

8. Tá an Chomhairle ag súil go leanfar leis an obair sna Náisiúin Aontaithe agus san Aontas Eorpach chun go gcuirfear Clár Oibre Gníomhaíochta Addis Ababa chun feidhme agus chun go bhforbrófar na sásraí le faireachán a dhéanamh ar thionchar an chláir oibre agus le meastóireacht a dhéanamh ar na torthaí. I ndáil leis an méid sin, tugann an Chomhairle dá haire Fóram maidir le Maoiniú don Fhorbairt Choiste Eacnamaíoch agus Sóisialta na Náisiún Aontaithe a thionólfar i Nua Eabhrac ar an 22 go dtí an 25 Bealtaine, agus tá sí ag tnúth le grinnfhorbairt a dhéanamh ar an bplé sin sna fóraim a thionólfar amach anseo.
9. Tá an chomhairle ag tnúth le tuilleadh plé a dhéanamh i gCoiste Cúnaimh Forbartha OECD maidir le tomhas staidrimh nua a fhorbairt do thacaíocht oifigiúil iomlán le haghaidh na forbartha inbhuanaithe, a chabhróidh le réimse níos leithe gníomhaíochtaí forbartha a thomhais agus a dhéanamh níos feiceálaí gan an bonn a bhaint de chúnamh oifigiúil um fhorbairt. Molann an Chomhairle plé oscailte, cuimsitheacht agus trédhearcach maidir leis an mbeart sin a fhorbairt.

Gealltanais agus spriocanna chúnamh oifigiúil um fhorbairt an Aontais Eorpaigh a bhí ann roimhe seo

(Conclúidí ón gComhairle, an 24 Bealtaine 2005 (9266/05), mír 4)

'Tá géarghá le cúnamh oifigiúil um fhorbairt méadaithe chun spriocanna forbartha mílaoise a bhaint amach ... glacann an tAontas le sprioc chomhpháirteach nua an Aontais 0.56% ODA/OIN a bhaint amach faoi 2010, a mbeadh EUR 20 billiún de chúnamh oifigiúil um fhorbairt sa bhreis mar thoradh air faoin am sin.

(i) Na Ballstáit nach bhfuil leibhéal 0.51% ODA/OIN bainte amach acu fós, geallann siad, faoi chuimsiú a bpróiseas leithdháilte buiséadach faoi seach, an leibhéal sin a bhaint amach faoi 2010, agus na Ballstáit atá os cionn an leibhéil sin cheana féin, geallann siad go leanfaidh siad ar aghaidh lena n-iarrachtaí;

(ii) Na Ballstáit a chuaigh isteach san Aontas Eorpach tar éis 2002, agus nach bhfuil leibhéal 0.17% ODA/OIN bainte amach acu fós, déanfaidh siad gach iarracht a gcúnamh oifigiúil um fhorbairt a mhéadú sa chaoi go sroichfidh siad, laistigh dá bpróisis leithdháilte bhuiséadacha faoi seach, an leibhéal sin faoi 2010, agus na Ballstáit atá cheana os cionn an leibhéil sin, geallann siad go gcoinneoidh siad lena n-iarrachtaí.

(iii) Geallann Ballstáit an sprioc ODA/OIN 0.7% a bhaint amach faoi 2015 agus na Ballstáit a bhfuil an sprioc sin bainte amach acu, geallann siad go bhfanfaidh siad os cionn na sprice sin; na Ballstáit a tháinig isteach san Aontas tar éis 2002, déanfaidh siad gach iarracht a ODA/OIN a mhéadú go 0.33% faoi 2015.'

Gealltanais agus Spriocanna reatha chúnamh oifigiúil um fhorbairt an Aontais Eorpaigh


(Conclúidí ón gComhairle, an 26 Bealtaine 2015 (9241/15), mír 31-33))


Tá an tAontas agus na Ballstáit ina soláthraithe flaithiúla cúnamh oifigiúil um fhorbairt (ODA), agus iadsan a chuir níos mó ná leath de chúnamh oifigiúil um fhorbairt ar fáil le blianta beaga anuas. Cé gur beag é cúnamh oifigiúil um fhorbairt, ó thaobh cainníochta, do na tíortha atá i mbéal forbartha ina n-iomláine, is foinse mór airgeadais é le haghaidh na dtíortha is lú forbairt agus na stát leochaileach, nach bhfuil an acmhainn intíre acu chun teacht ar mhaoiniú ó fhoinsí eile. Lena chois sin, is féidir le cúnamh oifigiúil um fhorbairt bheith ina chabhair chun modhanna eile cur chun feidhme a ghairil, go háirithe maoiniú intíre poiblí agus infheistíocht na hearnála príobháidí, ach an eolaíocht, an teicneolaíocht agus an nuáil freisin.

Dá bhrí sin, athdhearbhaíonn an tAontas go bhfuil sé tiomanta an sprioc 0.7% ODA/OIN a bhaint amach laistigh den am a leagtar síos sa chlár oibre iar-2015. Athdhearbhaíonn Ballstáit sin an Aontais a bhí ina mBallstáit roimh 2002 go bhfuil siad tiomanta don sprioc 0.7% ODA/OIN a bhaint amach, agus na himthosca buiséadacha á gcur san áireamh, agus tá na Ballstáit a bhain an sprioc sin amach tiomanta don sprioc a choimeád nó do leibhéal níos airde a bhaint amach; na Ballstáit a tháinig isteach san Aontas tar éis 2002, déanfaidh siad gach iarracht a ODA/OIN a mhéadú go 0.33%.

Ba cheart go gcuideodh an pobal idirnáisiúnta le hacmhainní a dhíriú ar na háiteanna sin is mó a bhfuil gá leo iontu, go háirithe na tíortha is lú forbairt agus tíortha leochaileacha agus tíortha a bhfuil coinbhleacht iontu. I gcomhthéacs an ghealltanais iomláin maidir le cúnamh oifigiúil um fhorbairt, agus ag cloí go hiomlán le tosaíochtaí na mBallstát aonair maidir le cúnamh forbartha, athdhearbhaíonn an tAontas go bhfuil sé meáite tacaíocht a thabhairt do na tíortha is lú forbairt. Gabhann an tAontas Eorpach air féin, go comhpháirteach, an sprioc 0.15 - 0.20 % ODA/OIN a bhaint amach i gcás na dtíortha is lú forbairt sa ghearrthéarma, agus an sprioc maidir le 0.20 % OIN a bhaint amach i gcás na dtíortha is lú forbairt laistigh den am a leagtar síos sa chlár oibre iar-2015.'

Fíor 1





Tábla 1: Cúnamh oifigiúil um fhorbairt AE (Glan) 2013-2016

Ballstát	2013		2014		2015		2016	
	EUR Milliún	% de OIN	EUR Milliún	% de OIN	EUR Milliún	% de OIN	EUR Milliún	% de OIN
An Ostair	882	0.27	930	0.28	1,193	0.35	1,432	0.41
An Bheilg	1,732	0.45	1,845	0.46	1,717	0.42	2,085	0.49
An Bhulgáir	37	0.10	37	0.09	37	0.09	37	0.09
An Chróit	32	0.07	54	0.12	46	0.09	37	0.07
An Chipir	15	0.10	15	0.10	16	0.09	16	0.09
Poblacht na Seice	159	0.11	160	0.11	179	0.12	236	0.14
An Danmhairg	2,205	0.85	2,264	0.86	2,313	0.85	2,145	0.75
An Eastóin	23	0.13	28	0.14	31	0.15	40	0.19
An Fhionlainn	1,081	0.54	1,232	0.59	1,161	0.55	956	0.44
An Fhrainc	8,543	0.41	8,005	0.37	8,149	0.37	8,592	0.38
An Ghearmáin	10,717	0.38	12,486	0.42	16,173	0.52	22,309	0.70
An Ghréig	180	0.10	186	0.11	215	0.12	239	0.14
An Ungáir	97	0.10	109	0.11	140	0.13	141	0.13
Éire	637	0.46	615	0.38	648	0.32	725	0.33
An Iodáil	2,566	0.17	3,022	0.19	3,609	0.22	4,391	0.26
An Laitvia	18	0.08	19	0.08	21	0.09	25	0.10
An Liotuáin	38	0.11	34	0.10	43	0.14	52	0.14
Lucsamburg	323	1.00	319	1.06	327	0.95	347	1.00

Málta	14	0.20	15	0.20	15	0.17	19	0.20
An Ísiltír	4,094	0.67	4,200	0.64	5,162	0.75	4,511	0.65
An Pholainn	355	0.10	341	0.09	397	0.10	546	0.13
An Phortaingéil	368	0.23	324	0.19	278	0.16	307	0.17
An Rómáin	101	0.07	162	0.11	143	0.09	179	0.11
Poblacht na Slóvaice	65	0.09	63	0.09	77	0.10	97	0.12
An tSlóivéin	46	0.13	46	0.12	57	0.15	72	0.18
An Spáinn	1,789	0.17	1,415	0.13	1,259	0.12	3,704	0.33
An tSualainn	4,389	1.01	4,698	1.09	6,391	1.41	4,404	0.94
An Ríocht Aontaithe	13,498	0.71	14,551	0.70	16,718	0.70	16,289	0.70
AE15 Iomlán	53,003	0.44	56,091	0.44	65,313	0.49	72,436	0.53
AE13 Iomlán	1,000	0.10	1,083	0.10	1,203	0.11	1,496	0.13
AE28 Iomlán	54,004	0.41	57,174	0.41	66,515	0.46	73,932	0.50
Cúnamh oifigiúil um fhorbairt Institiúidí an Aontais nach n-inleagtarit ar Bhallstáit AE	2,873	0.02	2,139	0.02	1,372	0.01	1,603	0.01
Cúnamh oifigiúil um fhorbairt chomhpháirteach AE	56,877	0.43	59,313	0.43	67,887	0.47	75,535	0.51

Nóta: (1) Bearna, mar % den Ollioncam Náisiúnta (OIN), le hais spriocanna aonair an Aontais maidir le cúnamh oifigiúil um fhorbairt, agus le hais 0.7% de OIN do chúnamh oifigiúil um fhorbairt chomhpháirteach an Aontais. Léirítear leis na figiúirí i lúbíní a mhéid a ndeachaigh an Ballstát thar sprioc an Aontais, mar % de OIN. Ríomhtar cúnamh oifigiúil um fhorbairt neamhleagtha Institiúidí an Aontais de réir aighneachtaí a dhéanann na Ballstáit chuig Coiste Cúnaimh Forbartha (DAC) na hEagraíochta um Chomhar agus Forbairt Eacnamaíochta. Is cosúil go bhfuil neamhréireachtaí sa tábla mar gheall ar shlánú suas go dhá dheachúil.

Tábla 2: Cúnamh oifigiúil um fhorbairt Bhallstáit AE do na Tíortha is Lú Forbairt (Glan) 2014-2015

Ballstát	2014		2015	
	Cúnamh oifigiúil um fhorbairt do na tíortha is lú forbairt (EUR Milliúin)	Cóimheas ODA/OIN na dtíortha is lú forbairt (% den OIN)	Cúnamh oifigiúil um fhorbairt do na tíortha is lú forbairt (EUR Milliúin)	Cóimheas ODA/OIN na dtíortha is lú forbairt (% den OIN)
An Ostair	272.7	0.08	200.4	0.06
An Bheilg	625.0	0.16	549.5	0.13
An Bhulgáir	8.3	0.02	7.6	0.02
An Chróit	1.9	0.00	6.4	0.01
An Chipir	2.9	0.02	3.6	0.02
Poblacht na Seice	39.0	0.03	37.1	0.02
An Danmhairg	678.0	0.26	549.5	0.20
An Eastóin	6.4	0.03	5.3	0.03
An Fhionlainn	427.7	0.21	386.9	0.18
An Fhrainc	1,924.4	0.09	2,143.6	0.10
An Ghearmáin	2,889.1	0.10	2,340.0	0.08
An Ghréig	37.4	0.02	34.3	0.02
An Ungáir	21.6	0.02	23.4	0.02
Éire	299.5	0.18	310.7	0.15

An Iodáil	724.4	0.04	784.6	0.05
An Laitvia	4.2	0.02	4.2	0.02
An Liotuáin	7.0	0.02	8.2	0.03
Lucsamburg	129.8	0.43	138.8	0.40
Málta	1.5	0.02	1.9	0.02
An Ísiltír	844.4	0.13	934.4	0.14
An Pholainn	98.0	0.02	112.8	0.03
An Phortaingéil	89.8	0.05	81.4	0.05
An Rómáin	25.4	0.02	27.8	0.02
Poblacht na Slóvaice	13.2	0.02	16.7	0.02
An tSlóivéin	8.1	0.02	8.6	0.02
An Spáinn	367.0	0.03	283.4	0.03
An tSualainn	1,226.8	0.29	1,328.1	0.29
An Ríocht Aontaithe	4,985.5	0.24	5,514.7	0.23
Cúnamh oifigiúil um fhorbairt do na tíortha is lú forbairt ó AE 28	15,759.2	0.11	15,843.5	0.11

Is ionann **cúnamh oifigiúil um fhorbairt comhpháirteach AE** agus suim an chúnamh oifigiúil um fhorbairt ghlan a thuairiscigh institiúidí an Aontais agus na Ballstáit. Áirítear iasachtaí ó acmhainní an Bhainc Eorpaigh Infheistíochta féin (2014) nach n-inleagtar ar Bhallstáit an Aontais agus atá sa bhreis ar Iomlán AE28, bunaithe ar áirimh an Choimisiún Eorpaigh, ar na sonraí suas go 2014 (féach fonóta 3). Bunaítear luach cúnamh oifigiúil um fhorbairt 2016 nach n-inleagtar ar Institiúidí an Aontais ar aighneachtaí a dhéanann na Ballstáit chuig Coiste Cúnamh Forbartha (DAC) na hEagraíochta um Chomhar agus Forbairt Eacnamaíochta le go n-áirithítear comhleanúnachas ó thaobh an tuairiscithe a dhéanann na Ballstáit agus chun nach ndéanfar an comhaireamh céanna faoi dhó.

Foinsí:

- I gcás na bhfigiúirí do 1995 – 2016
 - o I gcás comhaltaí de OECD: OECD/DAC.
 - o I gcás Bhallstáit an Aontais Eorpaigh nach bhfuil páirteach i OECD: OECD/DAC i gcás ina raibh an fhaisnéis ar fáil, thairis sin ó shonraí na mBallstát féin. Meastar cúnamh oifigiúil um fhorbairt don Bhulgáir agus don Chipir do 2016 ag an méid agus cóimheas OIN céanna agus a bhí ann in 2015, mar nach bhfuil fáil ar na figiúirí nuashonraithe go fóill.